



安徽通志

ル 5
1575
34



1875
卷 99



修安徽通志卷一百三

武備志

兵事 五

五年正月江甯上方橋賊空營上竄援蕪湖向榮檄鄧紹良嚴

兵備之遣游擊楊瑞乾協防黃池方略蕪湖之賊宵犯黃池

紹良礮中賊渠陣斬悍賊數十分路兜剿殲馘無算賊敗歸蕪

湖聚金柱關及西梁山圖襲甯國紹良率千總楊萬清赴剿國

史鄧紹良傳

辦理陳州團練按察使銜牛鑑率師至潁州阜陽縣志

編修李鴻章進兵巢縣畱兵守昭關含山縣志

涇縣團練堵剿箬阮涇縣志辛巳粵逆由青陽竄石埭方

疏撲琉璃嶺周天受力禦七晝夜賊襲避暑嶺丁亥天受軍挫

退孝廉方正桂誥守魚龍洞聞石埭陷死之石埭太平涇縣志賊趨黟

縣庚寅撲羊棧嶺徽勇方建國章名輝等二十五人陣亡辛卯

黟縣陷生員胡浚等死之語詳忠節傳黟縣志是日甯國舉人王祥儲

收復石埭縣城方略福濟疏癸巳晦賊由黟分侵祁門祁門縣志二月甲

午朔都司江長貴道員徐榮援黟團紳余兆元等會官軍薄城

乙未賊走林歷山為團練余光祖所敗丙申走漁亭戰霞坦都

司許尚達汀漳龍道徐榮死之江長貴退守巖寺賊竄祁門戊

戌夜回竄漁亭趨休甯黟縣志己亥休甯陷紳士孫日萱楊大容

等死之休甯縣志語詳忠節傳

甲辰捻匪竄渦河北岸千總齊東與陣亡眾潰亳州志

休甯踞賊趨徽州江長貴吳定洲戰巖寺不利丙午徽歙府縣

兩城並陷知縣廉驥元署縣丞張穎濱死之方略向榮疏何桂清疏歙縣志

向榮檄鄧紹良由黃池援剿方略向榮疏浙江巡撫何桂清檄知府

石景芬副將魁齡等以丙辰至徽州會歙縣在籍知府程葆及

歙西團練攻復府縣兩城賊走休甯黟縣境趨婺源丁巳石景

芬等收復休甯三月癸亥朔婺源陷丁丑鄧紹良石景芬周天

受及知府常恩都司馬永清等克復婺源方略何桂清疏歙休甯婺源縣志

周天受追賊休甯迭有斬獲國史周天受傳

辛巳秦定三音德布攻舒城三戰皆勝甲申編修李鴻章攻東

面平毀賊壘都司朱蘭泰攻西面與千總慶隆守備李光觀陣

亡方略和春福濟等疏團紳秦楠等死之舒城縣志

蒙亳捻匪張落刑即張樂行叛後書為落刑蘇添幅出沒皖豫之交河南道

員張維翰扼守宋防與潁州知府陸希湜亳州知州繡綸候補

知府張家駒參將全喜等率師赴亳擊賊泥臺店獲勝賊未受

大創四出如故豫軍時駐防臨淮左都御史袁甲三罷

召回京

方自離任後捻匪大肆蹂躪甲三國史袁

四月丁未和州踞逆撲州屬香泉鎮千總王士英甘肅參將李

成虎先後戰死和州志

道員何桂珍敗賊於英山獲逆酋田爵英山縣補志

江西浮梁景德鎮各路粵匪自德興饒州克復後併竄徽屬方

清華鎮婺源人汪杰郎筠等助戰陣亡庚戌祁門陷祁境之賊為

鄉勇所擊遂趨黟壬子黟陷婺源之賊以癸丑竄休甯上溪口

甲寅休甯陷休甯婺源祁何桂清咨行鄧紹良周天受都隆阿

會合徽州府知府關從龍剿辦并在籍知府程葆集歙縣民團

助戰五月戊辰踞黟之賊為黟縣民團擊敗並方略何桂清

志

時戰於黟北鄉之嶺下石鼓山東山金觀海汪必琪等陣亡在語

受等所敗丙子鄧紹良督軍進攻收復休甯丁丑追賊至黟賊

前隊已由羊棧嶺入石埭踞其城後隊由祁門竄出各嶺紹良

馳攻石埭復縣城旋飭周天受駐崇覺寺堵剿方略何桂清

受傳周天受傳時張芾來徽州籌防浙江巡撫何桂清奏收復休甯石

埭芾協剿出力

賞給六品頂戴

張芾傳

粵匪自蕪水犯英山癸酉英山陷道員何桂珍英山知縣蘇秀

槐會湖北羅田知縣彭惠疇團練復英山方略和

戊子蕪湖踞逆水陸并犯灣沚鄧紹良曾承禧擊敗之焚賊船

己丑總兵吳全美副將李德麟水師自三山上攻烏江庚寅進

兵采石辛卯晦攻近和州奪獲賊船進攻金柱關方略

六月丙申水師總兵吳全美陸軍總兵德安分攻太平府城復

之進兵蕪湖方略陸師鄧紹良由灣沚進軍施渡移營老鴉

山連挫安慶來援及蕪湖來撲之賊分兵由老鴉山蕉山清水

河三路進攻國史鄧紹良傳會合德安之軍疊破賊柵庚戌水陸大

舉斃賊萬餘克復蕪湖縣城方略

七月丙寅張落刑犯蒙城武舉黃廷萬等死之蒙城渦陽縣志

辛巳知府陸希湜在廟集擊退捻匪張落刑龔得之眾陣獲偽

將軍蘇有方略福濟疏豫軍紀略云希湜兵敗廟集渦陽志亦云未能取勝

八月辛卯朔署銅陵典史張頌瑞文生程斐然等集團守順安

壬辰收復銅陵縣城戊戌粵賊由北岸來撲城復陷銅陵縣志

總兵吳全美督水師攻西梁山不克和州志

張落刑等復踞雒河四出滋擾攻撲城池蒙城阜陽潁上宿毫

鳳陽懷遠告急福濟飭駐守臨淮之按察使恩錫等移軍往援

方略丁未河南道員張維翰在泥臺店接戰失利達凌阿陣

亡豫軍紀略方略福濟疏作泥秋集已未夜捻匪入商邱之馬收集英桂疏朱

連泰等截擊不利渦陽縣志河南巡撫英桂遣防守陳州之湖南道

王建泰游擊巴哈布按察使余炳燾參將成齡先後往援江南

河督楊以增巡撫福濟均派兵扼剿捻匪遂南竄福濟和春疏

陳三省剿匪必遣大員帶兵河南學政張之萬亦以為言

上命湖南提督武隆額由山東赴亳州富明阿所派侍衛容照楊以增

所派總兵興慶和春所派游擊武全英桂所派張維翰等總聽

武隆額節制豫軍紀略

是月乙酉周天受再復石埭縣城石埭縣志

九月張落刑踞蒙城隳其城垣為邱墟渦陽縣志擾亳州北鄉己巳

圍州城越九日乃解亳州志其黨蘇添幅葛倉龍等由雉河竄擾

潁上沙河北岸潁上縣志

周天受調至蕪湖燬木卡木城殲賊八百餘俘三百六十一奪

械百餘仍回崇覺寺防剿見國史周天受傳系於九月青陽陳鍾秀皖南軍務記云周天受崇崇

和州踞賊襲香泉營參將柳鶴翔劉玉豹陣亡和州志全

十月辛卯朔官軍復廬州府城是年自正月壬申吉順鄭魁士

嵩瑞普慶常清分攻各門丁亥夜襲西門皆不克二月壬寅擊

退安慶援賊癸卯焚江甯援賊三壘甲辰乙巳連戰於西二十

里鋪佐領瑞祥防禦穆精額驍騎校賽堪圖春慶俱陣亡壬寅

攻陷西門城丈餘方略奏報攻入七里站將木城木壘一律踏平

擒偽丞相陳宗勝偽指揮羅三才皆斬之進攻焦湖賊壘一晝

夜悉拔之斬偽司馬等五名國史和春傳六月丁巳戊午和春督同

鄭魁士等攻剿南路分擊各門七月丙寅毀南路賊壘外委蘇

興瓏殞於陣己巳城賊出撲擊敗之驍騎校德慶戰死庚午破

賈家大蔭賊壘把總蔣萬福陣亡尋剿外援賊匪節次將賊壘

毀平攻北岸芝麻港游擊伊林布千總楊萬傑封度外委賀世

鵬知縣鄧楚翹先後陣歿方略賊疊分股犯柘皋及石磯橋俱

擊潰國史和春傳城賊久負隅及是月朔紳民王子顧等糾集難民

為內應春福濟疏和春親督後隊鄭魁士一軍先薄城下梯而

登賊驚亂兵勇畢登副將嵩瑞由東門入賊啟德勝門出奔和

春督馬隊截紫金隄盡殲之遂克府城國史和春傳

鄭魁士率師攻三河尖踞逆

春方略和

秦定三在舒城擊敗安慶援賊

春方略和

丁未張落刑圍亳州知州博銘城守凡十有三晝夜

亳州志豫軍

救之按察使余炳燾用圍魏救趙計先剿雉河集擒巢張落刑

在毫聞之還救雉河毫圍遂解

湖陽縣志按湖陽志稱張逆

於下游成橋渡師焚賊壘殺溺無算張逆乘間逃賊之圍亳州

解散云余炳燾祝瑄瑚圖凌額三路赴毫擒匪復由毫沿河迤

南折向東北徐州兵勇禦之麻種集失利匪竄永城夏邑犯歸

德武隆額略無布置

上命英桂赴歸德督辦三省剿匪事宜以前福建按察使徐宗幹副之

張落刑蘇添幅等經柘城圍練追擊輦所掠遯回雉河

豫軍紀略

十一月庚申朔吉順攻巢縣擊敗城賊

春方略和

壬戌降勇李兆受踞英山以叛前徽甯池太廣道何桂珍英山

知縣蘇秀槐署桐城知縣縣丞任春和代理太湖知縣從九品

婁業仕把總高長發勇目賈開龍俱死之

方略和春湖縣志作

盧業仕初兆受在霍邱固始之交與薛小聚眾首亂上年四月薛

小肆擾三河尖經團練擊散

福濟疏

兆受薛小竄商城王家院

牆副將春明并備弁兵勇皆被戕踞卜家店布政使鄭敦謨派

兵往剿斬擒目周魁等兆受竄皖豫交界之青峯嶺復闢入商

城固始句結粵匪以六月癸未圍商城為商固團練及軍功張

曜所敗

豫軍紀略

走霍山何桂珍時在霍山十月丁酉率鄉兵大破

之於城東追擊至麻埠丙寅至流波瞳檄商固團練堵其北金

家砦團練禦其東桂珍率所部遏其西北兆受大懼與馬超江等

投誠散脅從萬計

求關齋文鈔

桂珍收為勇目

豫軍紀略

其所部曰豫勇

十一月何桂珍剿太湖豫勇敗退英山本年四月遣兆受剿斬水敗於洗馬畷還英山尋率所部回籍沿途蹂躪福濟飭捕之

英山縣補志薛小掠王家集牛鑑剿敗之方略兆受薛小築圩於

寨集蓮花山九月自牛皮疇走霍邱攢板冲練勇敗之張曜越

境剿急兆受走麻埠河南在籍防剿前江甯布政使王庭蘭與

張曜進兵廟灣擒其黨宋之貴斬之進攻麻埠追殺至流波疇

斬李兆慶等焚山寨兆受薛小遯英山豫軍紀略按豫軍紀

年乃詭投誠求開齋文鈔言兆受四年已投誠攻英山縣補志

亦同惟英山志言兆受五年回籍沿途蹂躪即豫軍紀略所云

築圩等事及為豫軍所逼仍苦求何桂珍收錄也十月初旬至同里馬家畷苦求投効

何桂珍仍畱之令守城英山縣補志會福濟令桂珍急殲除之為所

覺桂珍等遇害遂擁眾叛豎旗踞守和春等遣參將塔思哈都

司俞應彪守備阿克敦馳剿己巳會英山知縣劉兆彭湖北羅

田知縣彭惠疇各率民團復英山縣城方略和春福濟官文各疏兆受竄

蕲水方略張落刑等由河南竄至宿州濉溪臨渙二集焚掠偪

城垣福濟遣塔思哈由英山移剿方略福濟疏

十二月庚寅朔毫捻龔得竄太和練總楊廷瑾亳州武舉魏有

貴等戰歿太和縣志

丁未捻匪大掠蒙城知縣俞澍禦之團練潰蒙城縣志

水師總兵吳全美副將李德麟復無為州擊神塘河及裕溪援

賊皆敗之和州志

六年正月捻黨分領五色旗妄推張落刑為盟主領黃旗張總

愚領鑲黃渦陽縣志案豫軍紀略

賈世銓等呈此五年秋事

戊辰銅陵團練復縣城請設守水師副將李德麟移駐大通銅陵

縣志

己巳阜陽練總朱復善袁鏢禦捻於河口眾潰均死之阜陽縣志是

日張落刑夏白任漈圍宿州侍衛容照督兵嚴守塔思哈等連

日戰勝擒捻首孫開貞方略徐州總兵傅振邦往援乙亥丙

子敗賊於夾溝符離豫軍紀略丁丑城內外官軍夾擊城圍立

解己卯總兵鄭魁士侍衛伊興額協領德昌馳至會剿南屏集

捻巢癸未破之斃捻首任仲勉方略容照等疏

時毫捻以壬申日竄淝河甲戌撲太和縣城圍練援剿戰於三

塔集追至梁家湖練潰文生賈玉等死之丙子賊由元牆集宵

遯太和縣志先是福濟檄

和春進剿三河並舒城踞匪尋克復舒城國史先是福濟檄

桐城人胡大新募楚勇會提督秦定三剿桐城踞逆桐城縣志五年十

事秦定三時規舒城及是月和春率總兵郝光甲珠克登至舒

城前總兵音德布先登壬申復舒城六安州志舒城縣

新遂攻克南港奪北峽關進攻呂亭驛戰敗凡陣亡二百餘人

桐城縣志丁亥捻首尹韜竄阜陽三里灣知府陸希湜擊退阜陽縣志戊子晦

張落刑偪下蔡脅西北諸村鎮領旗鳳臺縣志

是月粵賊犯祁門周天受自崇覺寺調赴徽防躡踪追至涇縣

二月親督兵勇斃賊數千涇縣克復超擢副將此事不見於祁門涇縣各志據

國史天受傳纂

宣城圍練與粵匪戰於灣沚宣城縣志

甲午捻匪葛倉龍等掠潁上之江劉集把總李步階教諭黃坤

元死之潁上縣志

乙巳捻匪耿小金等擾懷遠和春飭鄭魁士率參將喜瀛塔思哈擊於許田寺芽塘集連破之追至素木橋又破之捻匪復由豫境調回劉餓狼等四十餘股由蒙城併力來撲鄭魁士馳抵河溜集設伏汪家鋪錢家湖斬馘過當追至鈕家橋生擒捻首褚澱等四十一匪餘渡河竄方略和春等豫軍紀略和春遂分兵進剿宿州匪黨及湖墅踞匪連敗之遂克湖墅國史和春傳時李大濬黃鳳夏白任瀚掠宿州丁未壬子侍衛伊興額戰於雙溝蘆溝等集丙辰又戰於孫疇與協領德昌夾擊追至蒙城境之潭城皆大捷張落刑遣李益元掠薛家湖會合保安山賊俞得和以癸丑日犯瓦子岡亦為傅振邦所敗方略和春福濟豫軍紀略三月粵匪石達開由江西樂平三道分竄春福濟疏一竄建德一竄祁門一竄婺源黟縣志辛酉祁門防軍浙江都司封九貴戰

潞公橋失利祁門陷祁門縣志甲子婺源知縣楊裕仁率團擊賊於中雲庚午由中雲竄休甯屯溪和春等疏分撲五嶺休甯知縣唐寶昌等禦諸五嶺守備歐陽斌團紳葉邦本曹元振程懋恩葉星巖皆戰死休甯縣志和春等疏丙子祁門之賊竄黟黟縣志分竄歙七里橋張芾周天受敗之於七里橋又敗之於屯溪遂由歙西溪潛口分走楊村許村我軍合鄉團追剿竄出箬嶺方略和春等疏乙卯祁黟之賊竄出羊棧嶺入太平縣黟縣志太平知縣歐陽藜照把總戴廷幹團紳方昭文周得朋等皆戰死太平縣志縣時建德已陷賊由石埭至太平與各路賊合過旌德入涇涇縣志壬午涇縣陷癸未涇太團練攻城團紳吳楠等戰死涇縣志賊去涇趨宣城官軍禦之楊柳鋪宣城縣志乙酉甯國府城陷方略怡良疏方甯國之告急也向榮以雲南副將蔡應龍進援至則府

城已陷應龍率貴州守備張揚保廣東游擊楊瑞乾屯峽石力
戰死貴州都司楊萬青把總李越發外委陳仁發雲南千總曾
魁外委李益昌福建千總徐剛把總阮執中廣西外委韋玉雄
從九品王祥瑞徐適等皆死之宣城縣地理志張芾以徽境肅
清

賞換五品頂戴張芾傳

是月戊辰擒匪偪懷遠撲城西鄭魁士等營參將福坤游擊柏
雲章都司冉廣興守備朱介福血戰死鄭魁士陷陣徧體重傷
墜馬救免方略和春等疏豫軍紀略云蒙城知縣俞澍在
城西荆山之西徐曉峯在荆山南先後援剿蒙城縣志賊眾敗退春
等庚辰懷遠縣志向蒙城竄去渦陽縣志尋

諭英桂赴皖豫界擣擒匪老巢前副都御史袁甲三先奉

命隨同英桂進剿及是以歸德防剿交甲三籌辦云豫軍紀略史袁甲三傳

丙戌晦擒匪龔得王貫三屯亳州之五馬溝為豫軍總兵邱聯

恩等所敗斬擒首張拴張裕隆豫軍紀略

四月丁亥朔太平縣踞逆竄涇戊子涇陷甲午周天受復之涇

志涇縣三賊走太平縣沙洲新豐各團多戰死者太平縣志

命鄧紹良幫辦皖南軍務紹良倍道往援甯國府國史鄧紹良傳系於四月

太湖踞逆犯英山廣里英山縣志

粵逆由銅城闖襲破和州官軍前營含山縣志

六安團紳曹綬卿會秦定三攻桐城不克六安州志

己丑擒匪倪小奮攷踞霍邱之朱家灣皖豫兩軍擊退和春方略

疏於是壽州鳳臺同時被擾和春疏龔得分黨踞潁上十八里鋪

窺潁州丁酉祝國安潁上縣志等倉隴馬立本等焚掠潁上之韓擺渡戊戌

撲縣城知府陸希湜知縣程鈺先後斃賊二千餘侍衛多慧遣

參將蔡昌言馳援先後擊卻之疏方略和春等豫軍紀略和春福濟亦遣

珠克登郝光甲自懷遠援潁亳會豫軍剿雒河春等疏方略和

先是捻首夏白句結張落刑圍宿州擾懷遠及瓦子口受大創

是月在任家集嘯聚圖報復壬寅署宿州游擊恩臨知州才宇

和授練總朱庭芳計擒夏白斬之又和春等疏方略容照疏

袁甲三之隨剿捻匪也至軍即合總兵邱聯恩史榮椿等擊賊

集國史袁甲三傳是月甲午戰於毫五馬溝丙申戰界溝甲辰戰小奈

軍豫軍紀略三戰皆捷會甲三之子編修袁保恆集舊部三千人至

下朱連泰與知州博銘出城夾擊大破捻匪豫軍紀略遂解亳州之

圍國史袁甲三傳賊走翟村寺糾死黨踞之豫軍紀略

粵逆自英山入湖北羅田署黃州知府許賡藻等敗之乘勝追

擊已酉復英山粵匪紀略

苗沛霖自壽州歸武家集築砦團練稱禦捻匪鳳臺縣志壽州志

五月辛酉捻黨自翟村寺犯五馬溝朱連泰戰卻之壬戌袁甲

三率其子保恆與邱聯恩崇安等分道進攻戰於翟村寺大敗

之斬偽平西侯李士成等張落刑由蒙城糾龔得王貫三黨來

援據白龍廟跨渦而壘乙丑甲三聯恩崇安保恆前察哈爾都

統西凌阿進剿戰於白龍廟殺賊數千平其砦辛未攻葉家小

樓衝賊陣中堅賊大潰師宵進破趙旗屯穆家砦沙土集癸酉

抵雒河賊憑壘據橋官軍力攻破之橋下尸相屬也遂克雒河

窮追四十餘里擒斬田士得等李越韓廣張海姚長春李汶明

諸悍賊偽將軍劉鼇均斃於陣礮傷張落刑蘇添幅俱僅身免

捷入

旨嘉獎袁甲三以三品京堂候補

國史袁甲三傳 豫軍紀略

維時伊興額傳振邦援宿州之師掃滅鐵佛寺捻股癸酉攻燬

柳集捻巢夜擣臨渙集破之擒捻首紀學中

方略邵燦庚長疏 豫軍紀略

珠克登郝光甲援潁毫之師戊午進龍亢集次褚家湖為界溝

雙澗捻匪所截己未戰不利僅有署蒙城知縣俞澍來援戰經

三時賊始退時自褚家湖距蒙城七十五里捻眾三十八股官

軍駐龍亢不得進辛未始由界溝進攻耿家湖擒巢擒耿小金

耿湖亮署鳳臺知縣李霖亦於是日擊敗耿萬金擒曹萬有又

敗葛倉隴於顧家橋斬之并斬葛雙攷葛小波王放王城程錫

章等蘇玉田降

方略和春等疏

蔡昌言徐曉峯潁上之師以癸亥敗捻匪於沙河擒龍如陳顧

廷輔乙丑會同程鉅等敗之於新河口龍王塘追至夏家橋丁

卯又敗之於龍擺渡戊辰擊敗撲城之賊己巳復大敗之擒捻

首樊棕湖趙連倉龍雲山遂解城圍

方略和春福濟疏

其太和捻股自庚午至丙子疊經知縣侯樞臣率團擊敗擒匪

首王大軒莊名山莊虎魏常魏允

方略和春等疏

張落刑自雉河敗遯率賊數百至蒙城郭家集沿途裹脅欲竄

潁州己卯蒙城知縣俞澍敗諸展溝西岸奔江口新集渡沙河

犯潁上之廟臺集垂岡集直撲縣城侍衛多慧擊退仍在潤河

集窺伺

方略和春等疏英桂疏 豫軍紀略

六月丙戌朔蔡昌言剿潤河集殺擒匪百餘丁亥郝光甲至潁

庚寅辛卯連戰皆勝壬申傳振邦伊興額至潁甲午會師進剿

獲勝河南巡撫英桂來駐亳州袁甲三由毫赴潁督剿副將樂

善參將成齡佐領松志編修袁保恆諸軍並集穎上賊欲趨正陽關為侍衛多慧擊退折而西袁甲三飭諸將西追敗賊於曹家集又敗諸南照集黃岡集賊由南照潤河一帶撲入霍邱縣境土匪李三謨等應之庚子竄三河尖王庭蘭援剿不利丁丑三河尖失陷乙巳袁甲三督伊興額袁保恆郝光甲傅振邦張學醇徐曉峯馬步分哨接戰互有殺傷遂駐師曹家集賊舟駛正陽關多慧塔思哈跨河為營杙鐵錨水底癸丑賊舟至汪集不得進與南照集賊舟俱西駛登岸樂善遇之潁州二十里鋪酣戰陷伏土默特佐領奇密特多爾濟驍騎校音登額歿於陣賊遂踞曹家集袁甲三等進攻之賊宵遯

是月戊子

命前任福建按察使徐宗幹幫同和春福濟辦理防剿略

方是月戊戌

粵匪由南陵竄涇縣下坊官軍戰幕山把總李標陣亡涇縣陷

癸卯副將周天受復之

涇縣志

無為州賊援三河和春擊諸白石山敗之

國史和春傳

巢縣舉人汪

人廉守巢南戰白石山陣亡

巢縣志

七月粵逆竄涇縣鄧紹良周天受攻剿獲勝

國史鄧紹良傳

粵逆由蘄水竄入英山安里

英山縣志

壬戌巨捻張落刑撲潁州府城步隊出戰斬擒首張惠癸亥賊

大至焚東北門都司朱淮源祿泰千總楊德戰死袁甲三派隊

出援豫軍紀略敗賊於大橋口國史袁甲三列傳甲子攻城賊目中

礮死餘賊走四十里鋪伊興額率騎兵來援道遇賊營總勒布

佐領訥勒布領催珠勒剛阿豐林披甲占祿依順德壽俱戰歿

賊渡沙河豫軍紀略分撲蒙宿方略蒙城知縣俞澍築城南蒙城

志縣壬申賊至連日環攻澍城守三晝夜督團擊走之乙亥回竄

于家集為援兵塔思哈擊退郝光甲別在江口集擊敗渡河捻

股擒捻首王瀉林方略福濟疏國史和春傳云八月派剿于家集匪匪生擒

方略賊遂分道趨雉河守將西凌阿退營寺集賊踞雉河丁丑

宵劫宿州臨渙防營守將興慶明山戰不利退蕭縣瓦子口披

甲武凌雲多隆武戰死賊踞臨渙豫軍紀略於是靈璧鳳陽戒嚴懷

遠壽州宿州阜陽太和潁上霍邱亳州徧地捻踪霍邱捻眾為

知縣王啟秀所敗斬捻首鄭三黑王小金孜福濟疏袁甲三邱

聯恩史榮椿馳至亳州豫軍紀略格綳額騎兵出剿敗賊渦河

口壬午袁保恆邱聯恩朱連泰敗賊清水河又敗賊趙王河癸

未復戰互有殺傷通判倉景涵陣亡豫軍紀略

大臣向榮卒於軍方略

八月甲午

命江南提督和春為欽差大臣赴丹陽督辦江南軍務己亥

命提督銜署壽春鎮總兵鄭魁士會同巡撫福濟督辦安徽軍務丁未

諭革任山東巡撫張亮基發往安徽隨同福濟辦理軍務方略

時和春移營徧三河攻拔面營賊壘國史和春傳乙未副將銜參將

程智泉擊敗撲營之賊追剿隕於陣庚子副都統麟瑞等毀金

牛賊壘都司吳濟美傷亡辛丑和春宵燬賊壘壬寅克復三河

春方略和春福濟疏擒偽將軍秦標盛指揮張大有等十五名國史和春傳甲辰進

攻廬江平其五壘克復縣城擒偽檢點吳仕政等千總劉富元

陣亡方略和春福濟疏

捻匪以是月己丑由渦河北岸圍崇安營我軍小挫壬辰復至

袁甲三遣兵練敗之乙未又敗諸太清宮丙申又敗諸十八里

鋪殲賊王賈三餘賊退守雉河國史袁甲三豫軍紀略其由臨渙回竄

蒙城者乙未鄭魁士敗諸雙澗福濟疏其擾宿州之西二十里

堡者為捻首任漣李大禧丁未官軍民團擊潰斬賊日段玉邱

福濟疏其擾渦河南北岸者己酉豫軍崇安格綳額德楞額敗

張落刑於耿皇寺辛亥邱聯恩薄冀得於趙旗屯崇安又戰張

落刑於劉乃廟追殺至潘家樓壬子張逆趨龍山據之癸丑冀

得復由趙屯北渡我軍擊卻之豫軍紀略

來安棚民葛高培劉萬元葛必泉陳三奮于等句江浦粵匪偽檢點以是月丙申

倡亂踞石固山己亥知縣周彤書進剿不利辛丑來安陷壬寅

滁州知州陳麟昌督同周彤書攻復縣城乙巳和州守將音德

布移軍會剿石弓山斬葛高培等餘匪東奔為六合知縣溫紹

原所殲西奔者盱眙知縣厲自芳都司博勒忠阿擒斬殆盡州

來安盱眙

江甯踞逆自相戕殺逆酋楊秀清韋昌輝皆伏誅石達開全家

死達開竄安慶粵匪紀略

粵匪以是月竄涇縣境團練擊退涇縣志三丙戌由青陽入太

平縣城旋走焦村署皖南總兵江長貴復太平縣丙申賊竄羊

棧嶺丁酉穿黟縣城練勇擊之戊戌走祁門知縣匡森林禦賊

受傷城陷州同銜徐焯從九品徐茂達把總郭桂林軍功孫燮

元陣亡祁門縣志此大禦賊城陷及克復等事惟賊由祁門

分竄休甯陷江長貴擊走之復休甯休甯縣志追賊花橋庚子進偏

三里岡壬寅復祁門賊走浮梁方略己酉復由江西

德興竄婺源桂清疏婺源團練禦於金竹及龍騰皆不利賊

犯縣城婺源縣志庚戌分竄休甯桂清疏循休甯西鄉至黟漁

亭江長貴失利退營鳳皇山甲寅晦休甯陷休甯縣各志

九月乙卯朔知府李元華知州林蘭攻無為州丙辰復州城方

略福濟鄭魁士疏 戊午休甯踞逆撲徽州府張芾營於七里墩以禦之休甯縣志調

周天受赴徽協剿國史周天受傳時天受駐太平縣之甘棠既調去

以吳坤修團防營駐甘棠太平縣志

辛酉擒匪宋懷用等據容照疏遠志擒匪任澈撲懷遠總兵珠克登郝光

甲副將塔思哈迭擊之焚渦河賊筏戊辰敗賊沙溝城圍立解

福濟疏 擒匪夏紅犯宿州己巳濉溪口失陷容照疏

庚午鄭魁士攻巢縣遣札隆武敗援賊於裕溪口丁丑粵逆出

撲礮傷鄭魁士肩脊裹創力戰迭平賊壘直抵縣城福濟同李

鴻章吉順嵩瑞于昌麟馬昇平鄭魁士同麟瑞蕭開甲余兆清

江忠信余成蛟等分攻各門守備銜徐榮陣亡癸未克復巢縣

乘勝進克和州以音德布守之並方略福濟鄭魁士疏並克東關以札隆

武吉順守之含山縣志

秦定三自舒城移軍攻桐城營於胡家鋪闌干山桐城縣志粵匪萬

餘以癸未日撲營定三告急福濟派吉林熱河陝甘兵馳援方

略福濟疏 定三堅守十八晝夜援師未至圍解桐城縣志桐城方

略其秦營解圍在十月此終言之 粵匪之撲徽州也張芾親督戰殪賊國史張芾傳戊午賊由萬安街

來撲江長貴帶休欵民團殺賊乙未守備羅承勳將賊首楊幗

淙轟斃方略何桂清疏 周天受馳至連戰皆捷立解徽州之圍逆匪

敗回休甯天受追剿戰江山鋪踏逆五壘國史周天受傳時建德來

武備志 兵事

武備志 兵事

武備志 兵事

武備志 兵事

武備志 兵事

武備志 兵事

武備志 兵事

武備志 兵事

武備志 兵事

武備志 兵事

武備志 兵事

援之賊丁卯入樺根嶺辛未至歷口為祁門團練所遏戰敗宵

遯休甯踞賊失援分竄祁門縣志甲申晦黟縣陷黟縣志

十月戊子日據方略周天受復休甯由漁亭進復黟縣史周

天受賊分道奔竄己丑由祁門北出大洪嶺庚寅由黟北出羊

棧嶺祁門縣志維時福濟疏請以張芾調度徽州團練芾尋聞母

喪何桂清以聞並上復休甯功

上嘉芾調度有方畱營俟服闋以三品京堂候補國史張芾傳

粵逆由青陽太平竄涇縣甲午圍城癸卯城陷知縣崔琳都司

梁宏元馬興國均死之涇縣志三隅團練記總兵周天受由徽州

星馳至涇之上坊國史周天受傳賊分黨由涇援甯國府涇縣志鄧紹

良敗諸柿木鋪又敗諸楊柳鋪進剿夏家渡七戰皆捷適援賊

圖入城與周天受援兵相值殲賊甚多紹良乘勢縱擊賊大潰

國史鄧紹良傳

擒匪孟繼輝踞宿州町疇集知州才汝和遣武舉孟貫三入賊

巢刺殺繼輝參將富昌擊敗援賊方略

官軍由廬州進規桐城懷甯縣志忠義傳秦定三先在桐城

供鄭魁士軍餉東北鄉籌

乙巳擒匪龔得駛至太和紀略由東鄉進撲縣城不得逞攻破

舊縣集練總劉仲華戰死太和縣志先是英桂移師亳州以庚寅發

陳州辛卯次鹿邑聞張落刑遣龔得由張斌營西竄咨袁甲三

令總兵崇安繞道截擊方略英桂旋抵亳以穆騰阿托津阿

將千人偕格綳額德楞額及崇安東發癸卯殲姬家橋伏賊甲

辰平三丈口賊壘乙巳渡河南追丙午破賊舊縣豫軍紀略是日賊

正撲太和縣城崇安援師至則大敗之又連敗諸楚店集龍環

城賊遯太和縣志

癸卯晦崇安朱連泰攻花溝集工記寺捻巢平其壘察哈爾驍

騎校拉什旺丹把總馬騰蛟陣亡豫軍紀略 紀略原作十一月三十日而下有兩十二月

其一為十一月事則此為十月晦也是年十月小建

粵匪陳玉城援江甯過石埭石太團練戰敗練總舉人王錦泉

等死之太平縣志

十一月甲寅朔豫軍穆騰阿崇安朱連泰平雉河捻巢乙卯追

賊西陽集丙辰追賊曹市集及於臨渙會河橋張落刑憑河拒

守冀得宵犯我軍營壘戰至翼日將午士馬不得食回軍雉河

賊連來犯游擊德祿佐領松志歿於陣穆騰阿墜馬傷臂朱連

泰要擊之殪賊數百賊退踞廟集方略英桂疏 豫軍紀略 渦陽志庚申

命福建提督秦定三馳往蒙亳會同英桂督剿捻匪甲子以福濟奏復

命壽春鎮總兵鄭魁士會同英桂剿辦捻匪三省會剿官兵均歸節制

秦定三留於桐城會同福濟督辦南路剿匪事務乙丑

命勝保往安徽軍營交福濟差遣委用方略

時鄭魁士攻桐城烏石岡賊壘守備劉精一陣亡賊旋來襲副

將蕭同福游擊葛茂永陣亡桐城縣志

捻匪圍蒙城為知縣俞澍參將尹善廷練總劉蘭馨等擊敗擒

捻首傅洪山黃瀧辛未冀得復率眾圍撲五晝夜練總徐立壯

力卻之方略 福濟疏

丙子涇縣團練殲賊洪家嶺涇縣志北 鄉團練記周天受連踏賊壘督勇

圍攻先後登城克復涇縣天受傳 國史周

丁丑福濟遣知府李元華復潛山縣潛山縣志 潛山守禦志

鄧紹良攻奪夏家渡賊壘乙卯督知府仲孫琳等截殺南陵援

賊夜擣七里岡追殺至雙桿埠城賊出撲復分隊截擊退入城

十二月甲申朔剿桃花園奪團山妙葛山賊卡乙酉抵城下城

中內應火舉蘇朝清等登城我軍奪門入遂復甯國府鄧紹良

傳方略何桂清疏南陵賊棄城走遂復南陵南陵縣志賊走雲嶺繞竄石埭

豫軍亦以乙酉破捻匪於廟集張落刑龔得分竄毫境東南尹

家溝東北趙旂屯進攻之皆獲勝英桂疏

盧鳳道金光筋既擊退王莊巨捻十一月甲子事又迭敗之於新橋連

城固鎮癸巳庚子等日事斬捻首謝泳年喬茂柏等三十五人方略福濟疏

癸巳保升道員李元華復太湖縣并擊退安慶援賊方略福濟疏

城志系於十一月今從方略

甲午粵匪由石埭犯羊棧嶺江長貴擊之繞嶺外趨祁門江長

貴移軍西武嶺黟縣團練助防團紳程錫嘏等出羊棧躡剿丙

申賊繞至祁北禾戌嶺戊戌祁門陷江長貴移軍石嶺進戰花

橋庚子復祁門賊走浮梁祁門縣志

縱陽賊暫去秦定三遣曹繼業往守賊復至繼業戰死曹勇陣

亡百五十餘人桐城縣志練總曹綬卿死焉語詳忠節傳六安州志

丙申蒙亳捻匪擾靈璧盧鳳道金光筋擊走之靈璧縣志

粵匪肆擾己亥無為州巢縣並陷甲辰潛山陷辛亥含山之東

關陷壬子霍山練總劉遐志援潛山攻城西門不克遐志與勇

四百人均戰死無為潛山含山等州縣志

諭官文等分兵一千赴廬州助剿見胡林翼疏稿

豫軍托津阿等敗捻匪於亳州洪家廟山永協副將珠隆阿為

礮所中陣斬巨捻龔義而後絕外委高振標亦陣亡著名捻首

雷燕李復亮楊懇旺魯珍龐敬皆斃於陣時甲辰日也癸丑晦

又敗賊於王家店擒斬擒首黃得等豫軍紀略

七年正月甲寅朔豫軍敗擒匪於王家店擒白豹斬之豫軍紀略是

日擒匪撲蒙城知縣俞樹參將尹善廷先後出擊擒徐喇孜戴

奉潮馬小黑己未城圍解方略福濟等疏

粵逆亦於朔日撲太湖李元華疊禦之王戌賊遜方略福濟等疏元

華旋以軍饑就糧英山太湖復陷太湖縣志

粵逆由無為州竄黃姑牖丁巳盧江陷福濟已由桐城回軍盧

州鄭魁士秦定三在桐城遣援盧江守備洪鐘都司彭萬鎰陣

亡壬戌賊由盧江援桐城甲子桐城踞賊出撲我軍擊之賊大

潰方略福濟疏豫軍攻趙旂屯己未擒擒首李振山擒潰庚申追剿尹家溝擒

擒首張瀉等豫軍紀略

壬戌皖軍擊擒匪任漑等於懷遠敗諸平莪山癸亥又敗黃河

渦河南岸來撲之賊乙丑張落刑撲懷遠縣城總兵珠克登知

縣鄒筍禦之戊辰戰上下橋擒擒首單新陂庚午戰古西門斃

賊千六百餘甲戌夜破柳溝陣斬巨擒趙廷和擒斬擒首孫萬

明等張龔二逆合併南趨方略福濟疏時擒匪單老鸞劉小賽撲定

遠知縣沈鏞擊退福濟疏

庚午宣城團練助剿灣沚宣城縣志

粵逆入樺根嶺分踞箬阮曹村歷口凡三日己卯踞小路口庚

辰祁門陷祁門縣志黟縣團練分守各嶺會合祁門團練從江長貴

周天受戰柏溪辛巳復祁門賊奔大洪嶺黟縣志國史周天受傳系於二月

庚辰豫軍朱連泰攻亳州鄧家圩擒股千總萬壽慶把總楊起

山外委魯占魁中礮隕軍不得進而張龔兩捻股已竄潁州之南照曹家等集圍穆騰阿於六十里鋪騎兵悉潰西凌阿援至乃解豫軍紀略方略英桂疏

二月甲申桐城軍飢潰方略桐城縣志侯補道恩錫經歷鄭士節死之桐城志秦定三退六安六安志鄭魁士退廬州桐城縣志賊追

至舒城丙戌舒城陷方略舒城縣志陝安鎮總兵郝光甲援桐城桐城志戊子戰白沙嶺死之桐城志賊撲六安庚寅六安陷六安志

六安州志六安志團紳尹寶銓等死之丙申六安知州金寶樹參將喜瀛守備趙霖州同黃河清攻城不克均戰死練勇陣亡千餘人

論官文

胡林翼迅派陸兵一千馳往廬州助剿胡林翼疏稿丁酉粵逆自景德鎮入婺源富村浙江參將師長鏞戰死己亥

婺源陷張芾遣游擊王夢麟都司程永年扼禦方略晏端書疏調周

天受赴五嶺迎剿國史周天受傳粵逆別犯石埭攻孝思嶺守將蕭

知音軍退賊窺太平縣陳鍾秀皖南軍務記天受移軍甘棠以堵之史周

天受傳

宿州知州才宇和游擊恩臨敗擒匪張滢於大店遣張恆恕入

擒巢斬擒首張士允方略容照疏

擒匪撲霍邱署知縣王啟秀嚴守八晝夜乙巳地雷發霍邱遂

陷典史張耀從九品藍壽田均死之方略福齊袁甲三疏

霍邱擒股撲正陽關李兆受糾粵匪會於正陽關以庚子日合

圍壽州署廬鳳道金光飭疊次痛剿擒斬甚多戊申圍解粵捻

分趨六安及正陽關光飭進兵正陽關方略袁甲三壽州志

已酉粵捻各匪合圍潁上為十三隧知縣程鈺破其九潁上時

勝保奉

命以副都統銜幫辦剿匪事宜代崇安為河北鎮總兵即統其軍以是

月戊子會英桂袁甲三於毫定議甲三駐毫勝保赴潁英桂繼

發策應後路尋固始告警勝保自潁州移軍三塔集留兵守之

而督師繞道西南破方家集捻股進援固始解其圍及是回軍

入皖豫軍紀略

粵匪之踞婺源也團練王讓德等禦諸源阮汪賢發等禦諸羅

田武生吳平泰等戰於石峽先後陣亡癸卯潘開驥復集團戰

銀峯嶺庚戌汪文海等戰曹門皆覆歿婺源縣志忠節辛亥賊竄去王

夢麟等復婺源方略晏端書疏

三月粵逆敗於柘皋走含山丙辰含山陷城且屠縣人張景芝

走廬州乞師含山縣志

戊午周天受破粵匪於太平縣之鐵甲嶺國史周天受傳戊午日據皖南軍務

記壬戌復石埭駐崇覺寺皖南軍務記

辛酉都興阿遣參將鮑超敗賊於小池口副都統多隆阿敗賊

於段窰乙丑多隆阿敗賊於宿松之楓樹坳擒偽丞相鍾逆等

丁卯進攻獨山鎮毀賊七壘戊辰小池口偽城之賊出撲為楊

載福鮑超擊敗官文等疏胡林翼疏稿國史多隆阿傳系於四月楓樹坳作楓榆坳

乙丑懷遠知縣鄒筍擊敗捻首張濬遂燬李興集賊走平莪山

及下蔡方略焚掠鳳臺東北鄉鳳臺縣志

丙寅潛山踞賊將竄霍山出水吼嶺聞潛山西北鄉團扼險自

固乃還潛山縣志潛山守禦志

宣城團練助剿紅楊樹伍宗茂等陣亡宣城縣志

辛未粵逆陳玉城竄六安捻匪張落刑龔得入正陽關壬申金

光筭戰敗並壽州志

欽差大臣湖廣總督官文奏派湖南按察使李孟羣總統官軍馳赴廬

州府助剿途次授安徽布政使國史李孟羣傳

是月壬戌己卯粵捻各匪兩次轟陷潁上城垣均為團練救護

擊退潁上縣志潁上被圍久望援切始勝保自豫回軍也月之朔日

駐方家集攻上莊會托津阿禦賊於三塔集師挫佐領達爾瑪

滿葛拉戰歿賊掠潁南回踞柳溝勝保督軍追剿三戰趙集偏

柳溝阻雨連旬戊寅雨止進攻疊勝張落刑糾三河尖霍邱悍

黨四出掣綴勝保不為動潁上告急則檄知府文光參將蔡昌

言往援之豫軍紀略

四月壬午朔勝保猛攻柳溝丁亥克之賊走化集勝保引軍疾

趨潁上辛卯夜前隊至潁賊懼捻匪奔三河尖粵匪奔正陽

關潁上圍解方略英桂勝保豫軍紀略自被圍至是堅守四十三晝夜

云潁上縣志

甲申粵匪自霍山竄天堂潛山團練戰敗潛山縣志天堂巡檢馮焯

之子福基年十四為賊所獲真藥飯中毒殺十七賊福基亦仰

藥死國史李續宜列傳同治元年李續宜疏稱咸豐七年事咨稿

粵逆陳玉城自霍山竄英山英山縣志乙酉英山陷方略胡林翼疏

己丑粵逆竄灣沚宣城縣志人物

李孟羣自羅田入皖遣參將趙鴻舉都司盧又熊會同湖北靳

州知州彭應鯉剿賊英山壬辰復英山賊東走太湖方略胡林翼疏

壬辰夜容照剿宿州捻匪殲賊首張鳳鳴方略容照疏

福濟遣游擊聶桂榮率千人援含山從張景芝請也音德布自

和州來會剿癸巳克昭關含山縣志

金光筋攻燬隱賢集擒巢進攻正陽關丁酉克北岸擒巢方略

大通水師移駐魯港粵匪來侵辛丑銅陵縣陷癸卯順安鎮陷疏

五月池州府陷粵匪韋悃淙踞之貴池縣志

池州踞匪竄崇覺寺周天受督兵攻剿毀逆壘二十四擒斬二千餘國史周天受傳

界石亭都司張崇禮宵襲賊壘戰死陵陽鎮皖南軍務記

青陽貴池踞匪犯白沙嶺周天受移師攻剿殺斃長髮逆匪數千國史周天受傳

粵逆竄婺源丙午分竄裔村盧嶺廩生余銓桂督團平鼻嶺與

余元亨等均死之婺源縣志忠節旋竄休甯陳村霞瀛別入苦竹嶺團

紳朱榮鼎汪應臺等死之休甯縣志旋竄漁亭入黟縣壬申團紳吳

錫年等戰桃花源乙亥戰大聖亭又從總兵江長貴戰石鼓山

分兵守漳嶺賊夜出羊棧嶺黟縣志

霍山踞逆竄英山出斬水霍山縣人誘殺偽監軍英山霍山縣志

侍衛伊興額破蒙宿界之高家砦斬巨擒李月方略邵燦庚長疏

乙亥勝保克三河尖初潁上圍解勝保移軍李家集擣黃岡寺

平中心岡三河尖北岸之賊略盡乃會英桂之師拔吳老莊四月

捷尋斷方家集糧道解散脅從翼得乃乞降勝保不允疊攻方

家集防禦阿克棟阿驍騎校關喜千總司泉陣亡俄而克之五月

遂破王家壩庚午日事剗三河尖附近賊壘壬申癸酉遂復三

事

丁酉進兵化集次高家堰戰趙家集四月癸卯烏龍集甲辰皆大

捷尋斷方家集糧道解散脅從翼得乃乞降勝保不允疊攻方

家集防禦阿克棟阿驍騎校關喜千總司泉陣亡俄而克之五月

遂破王家壩庚午日事剗三河尖附近賊壘壬申癸酉遂復三

事

丁卯

遂破王家壩庚午日事剗三河尖附近賊壘壬申癸酉遂復三

事

丁卯

遂破王家壩庚午日事剗三河尖附近賊壘壬申癸酉遂復三

事

丁卯

遂破王家壩庚午日事剗三河尖附近賊壘壬申癸酉遂復三

河尖追賊南照集大破之張落刑先以舟載輜重歸雒河過正陽關金光筋擊沈其舟數十丁丑勝保追至潤河又焚賊舟已卯由潁上分兵擣沙關庚辰晦破八里塚浮橋拔沙關獲張逆之弟張易斬以徇又分兵扼固始霍邱接壤而自督師改正陽關水漲不得渡淮金光筋以礮船來助豫軍紀略

閏五月壬午音得布聶桂榮復含山縣城垣先隳築營河村鋪駐軍守之含山縣志

甲申金光筋造浮橋濟師勝保軍戰北岸光筋軍戰南岸抵正陽關下壽春鎮勇潰光筋在礮船督戰中礮重傷猶麾軍進攻舟覆死之方略英桂勝保疏豫軍紀略皖中軍與以來光筋善政武功為第一勝保疏士民飲泣痛惜福濟疏詳名宦傳

英桂移軍潁州分剿盧家廟江口集捻巢斬馘無算勝保專意

正陽關丙申剿雙橋集襲汪家集駛至霍邱距城十二里擊沈賊舟丁酉搜黃天澗己亥轟正陽關賊牆辛丑沈黃頭岡賊舟甲辰乙巳連戰新河口己酉晦攻正陽關皆有斬獲豫軍紀略是月庚子粵逆古隆賢由石埭犯黟總兵江長貴徽勇吳定洲擊退之黟縣志

六月壬子李孟羣攻粵逆於霍山參將張得勝同知袁懷忠守備鄭昌林知縣鄧元鎬等分攻各門疊破城外賊壘丙寅復霍山縣方略李孟羣疏國史李孟羣列傳

癸丑六安城粵賊出撲知州茅念劬練總楊自芳禦之自芳戰死六安州志

太僕寺卿袁甲三自四月至於辛丑督史榮椿朱連泰等連拔王鄧宋姚李新舊五圩巨捻李寅鄧大涓鄧長青劉破頭

等悉伏誅 方略袁甲三疏 國史袁甲三列傳

是月署廬鳳道黃元吉剿迎河雙橋等集擒斬老捻邱甲陳讓等英桂飭德楞額搜捕沙河兩岸匪黨渡淝北剿擒捻首王獻林追至毫境於是北路賊日感勝保由正陽關東路剿平蔣家廟柴家岡捻巢先後俘擒首張麻太王慶柳韓來發李恆張漆礮傷任漣皆悍賊也丁未勝保渡淮南岸進剿 豫軍紀略 七月庚戌朔勝保進攻正陽關東南各路辛巳壬午疊勝平燬板橋集枸杞圍劉帝城諸捻巢協領富隆阿中礮隕時霍邱捻匪將率眾援正陽關勝保遣千總敖心印陳萬金水陸截擊追至霍邱西門降擒張金桂內應城門不閉我軍擁入己丑復霍邱縣 方略英桂勝保 豫軍紀略 張逆竄六安 方略李孟羣疏 案豫安張落刑猶 在正陽關

癸未池州踞逆撲青陽白沙嶺丁亥周天受擊退 皖南軍務記

粵匪由江西德興竄婺源城陷孔村石阡團練陣亡多人從九

品洪宜禮率勇攻城賊不克宜禮等死之 婺源縣志忠節 賊眾進犯清

華街張芾遣參將王夢麟等截擊兜剿賊潰 芾傳系於八月蓋

以八月初九日 奉諭旨 壬寅安慶踞逆遣賊張潮爵 皖南軍務記 大股竄崇覺寺七都一帶

周天受派兵勇分路迎敵擒逆匪數千 國史周天受傳 斬賊目張定

柳安慶踞逆又遣賊譚體沅 皖南軍務記 糾眾來撲我軍擊敗之追

殺十餘里 國史周天受傳

粵逆張遂媒撲涇西萬級嶺周天受遣參將向元吉赴援會同

守將吳正熙擊之 皖南軍務記 先挫後勝團練同復嶺防 涇縣志

粵匪竄南陵縣甲辰城陷 南陵縣志

乙巳李孟羣軍六安城外擊粵匪敗諸蘇埠及青山方略李孟羣疏

八月庚戌六安城內粵賊出撲分踞蘇埠李孟羣遣都司盧又

熊破蘇埠營於河東方略李孟羣疏

癸丑粵匪自湖北黃梅敗還潛山太湖宿松縣志

丙辰粵匪由建德入櫟根嶺踞祁門境旬餘團練截殺走浮梁

祁門縣志

六安賊圍河東李孟羣進攻獨山國史李孟羣傳馳援河東圍解令

諸軍俱營於獨山扼險以守方略李孟羣疏

戊午婺源踞賊掠松山乙丑掠理田婺源縣志

壬戌周天受復南陵縣城南陵縣志進攻陵陽鎮設伏攻取賊巢斃

賊無算國史周天受傳

霍邱正陽關擒匪先後至六安粵逆迎之人城不堪捻眾之偏

也挈逆黨棄城而去於是擒黨專踞六安六安州志分竄舒城丁卯

舒城陷方略福濟鄭魁士疏

癸酉勝保克復正陽關巨擒魏藍馬鳳林傅虎陸耀淙俱伏誅

生擒楊大鵬高兆安等二百餘都司馬翰忠縣丞李光裕戰歿

是役也副將慶瑞先登參將格洪額追賊淝河俘斬殆盡方略勝保疏

軍紀略

鳳臺生員苗沛霖練眾擾謝家橋展溝勝保飭鳳臺知縣李霖

往撫之方略勝保疏

將軍都興阿派多隆阿鮑超等軍乙亥由黃梅來駐宿松縣境

於是太湖團練執偽監軍李鳴玉殺之攻望江磨盤山張

北山懷甯雷公鋪諸賊巢疊有斬獲太湖縣志望江團練程輔廷戰

賊張北山歿於陣望江縣志

重刊安海通志 卷一百三
九月己卯朔舒城踞捻合粵逆圍撲桃鎮辛巳桃鎮陷捻匪宵掠上中派河癸巳撲廬州二十里鋪鄭魁士擊之分兵施口擊破賊艇甲午福濟進駐店埠逆首李秀城糾同潛山太湖桐城舒城各踞賊合併捻匪三路竄入其派河一路之賊己亥築七壘於二十里鋪直撲廬州庚子鄭魁士督同副都統麟瑞總兵札隆武游擊余成蛟等力戰破之三河賊來援又大破之其巢縣一路之賊水陸並進戊戌踞夏閣築木城襲柘皋己亥總兵吉順偕營總烏爾滾布尙阿布守備王聯陞分道擊敗之毀木城奪賊船燒其糧舟庚子回竄夏閣吉順又擊敗之其巢湖一路之賊爲巢城僞先鋒黃和錦由施口撲撮鎮礮舟趨店埠己亥總兵嵩瑞都司黃國堯守備范玉林等敗諸孤山斬僞將軍柏萬復僞指揮陳尙林奪其船並敗陸路援賊辛丑又敗諸塘

口河於是粵捻三路並敗遯

方略福濟鄭魁士疏

丙申粵逆由太湖竄宿松之涼亭丁酉多隆阿由宿松會同副

將鮑超至祝家塆賊分路迎撲營總薩林祿昌左右抄截擒斬

千餘級平毀涼亭河十餘壘兵勇亦多受傷

胡林翼遺集賊退官文等疏

太湖

宿松縣志

案宿松志戊戌都興阿自宿松縣城出鐵線河均會於

涼亭河西之團山陂接戰大勝

袁甲三克韓圩

國史袁甲三傳

宿州練總牛斐然請侍衛容照撥兵剿臨渙一帶捻巢自庚寅

至癸巳擒斬捻首張老罄張憬泉朱濤沅謝濡卜廣汰

方略容照疏

副都統伊興額感羅和尙於龍山集賊大潰

渦陽縣志

乙酉廣東惠潮嘉道彭玉麟率內湖水師福建提督楊載福率

外江水師會浙江布政使李續賓陸師副都統銜總管巴依爾

呼蘭馬隊攻湖口丙戌彭玉麟偕李朝斌李成謀等焚石鐘山
斷橫江鐵鎖丁亥克湖口奪梅家洲偽城辛卯彭玉麟楊載福
等破小孤山把總劉高舉先登中礮死之庚子克彭澤破彭浪
磯小孤洲兩偽城小孤山者入皖第一關鍵也其山挺峙江中
廟宇竹樹盤旋迭上貼地為門一礮可守逆首賴桂英又於南
北兩岸對築石城環以深濠四重憑險踞守已五年矣及是為
我軍所破掃積年負固之窟通外江內湖水師之路成建瓴之
勢東南之大局可圖洵屬非常戰績官文等疏 胡林翼遺集時安慶踞逆
來援屯聚馬當華陽鎮楊載福率李成謀李濟清等自小孤山
駛至奪馬當賊壘焚華陽鎮賊船辛丑復望江縣壬寅復東流
縣疾趨安慶平鹽河口及安慶對岸各賊壘癸卯全軍衝安慶
東下克樅陽甲辰克大通丙午克銅陵縣節次殺賊不可勝計

自湖口以下江面七百餘里旬日肅清軍聲大振方略官文 都興阿胡林

翼疏即於丙午下駛無為州江面會合李德麟戰船攻克泥汊偽

城方略福濟鄭魁士 胡林翼集疏

乙巳李孟羣軍挫於獨山鎮退至霍山收集兵勇折回麻埠築

營方略勝保 袁甲三疏

淝北餘捻竄踞豐家集蒙城知縣俞澍攻之不下時勝保遣把

總邵徵祥廩生王尙辰申諭苗沛霖就撫即令會剿甲辰苗沛

霖率練剿捻方略勝保袁甲三疏 蒙城縣志 渦陽縣志

桃鎮踞匪竄擾派河福濟督水陸諸軍分道進攻甲辰游擊聶

桂榮等復桃鎮丙午鄭魁士督同副將蕭開甲總兵札隆武副

都統麟瑞知縣甘文瀾把總周盛波破賊於派河廬州知府馬

新貽擣賊於丙子鋪都司黃國華焚賊於上派河賊竄舒城三

河巢縣 方略福濟等疏

十月戊申朔粵匪自景德鎮竄祁門己酉祁門陷浙軍馬懷珍擊之退踞五里牌江長貴周天受及黟縣團練堵花橋柏溪辛

亥擊賊獲勝壬子焚其木城擒斬數百賊走浮梁 祁門黟縣志謹案國

史周天受傳有八月賊竄魚龍洞七都黟縣祁門天受跟追會同總兵江長貴援剿九月連日進攻立將黟縣祁門收復等語

蓋卽此十月事也八月九月周天受無援剿祁夥事十月收復祁門賊未闌入黟境

己酉婺源團練與粵賊戰高規渡監生吳山等百餘人死之 源

苗沛霖攻高爐集擒匪 蒙城縣志 遂由渦南焚趙旗屯 渦陽縣志

戊午穆騰阿復獨山鎮李孟羣自麻埠移營獨山 方略勝保等疏

逆匪由巢縣犯昭關千總韓殿安陣亡昭關陷戊午東竄和州

壬戌河村鋪陷知州陳麟昌守將音德布退守全椒之官渡賊

旋撲全椒官軍擊之竄江浦 方略福濟等疏和州含山全椒等志

庚申副都統銜侍衛容照卒於軍游擊恩臨呂元接理宿州剿

匪事 方略福濟等疏

壬戌桐城踞匪攻團練於新倉練總何清岳等戰死 桐城縣志

壬戌涇縣團練禦粵匪於紀家嶺王觀寶等陣亡甲子夜擊退

涇縣大成都團練記

六安踞捻糾舒城粵匪犯霍山霍山復陷 方略李孟羣疏霍山縣志案國

史李孟羣傳系於十一月據奏到月日并克復而言也

潛山北鄉團練守霍山新開嶺 潛山守禦志

十一月

命張芾籌辦徽州一帶防剿事宜 國史張芾傳

鄧紹良破粵匪於南陵三里鎮追至青陽木竹潭 南陵縣志

壬午桐城踞匪攻團練於東西長沖練總黃澤笏王德潤徐豔

培等戰死

桐城縣志

丙戌勝保平劉家樓捻圩

方略勝保疏

壬辰都興阿多隆阿鮑超破賊宿松楓香驛

宿松縣志文胡林翼疏

癸巳李孟羣遣袁懷忠等克復霍山賊竄西北盧又熊張得勝

會合豫軍樂善張曜等擊敗之

方略李孟羣疏國史李孟羣列傳

乙巳粵匪韋幟淙自太湖小池驛經水吼嶺竄天堂潛霍團練

禦諸黃沙嶺陣亡五百餘人

潛山縣志潛山守禦志

十二月己酉潛山賊分竄霍山六安別竄天堂青草壩

潛山守禦志

霍山復陷庚申賊棄城走知縣王自箴復霍山

方略李孟羣疏霍山縣志

癸酉待衛伊興額總兵史榮椿練總苗沛霖平鄆家集趙旗屯

喬家廟各捻圩協領色克通額法克吉布陣亡捻首梁思任劉

大淵皆伏誅

方略勝保疏袁甲三疏

苗沛霖與捻首楊瑞英劉添幅戰於潘圩苗沛霖敗

渦陽縣志

六安捻匪竄太和甲戌踞阮家香鋪團總紀廷棟等戰歿

太和縣志

忠節案太和人物志紀廷棟事在八年正月三日

苗沛霖攻擒匪徐家圩不克渦陽縣志

甲申太湖粵逆竄蘄州之荆橋好漢坡都興阿遣巴依爾呼蘭

石清吉守宿松副都統多隆阿迎剿乙酉敗賊於仙田鋪丙戌

敗賊於風火山追抵太湖城下胡林翼集 官文等奏疏

庚寅東流建德踞逆撲樺根嶺祁門團練禦之相持三晝夜走

殷家匯祁門縣志

擒匪耿萬金竄麻埠李孟羣遣都司唐瑞廷等擊退方略李孟羣疏

壬寅六安擒匪東竄大橋畝橋頭集三覺寺署廬鳳道黃元吉

知州茅念劬參將吳秀先後擊走之踞余家集方略福濟疏

二月戊申總兵塔思哈游擊阿克敦剿余家集擒匪敗之己酉

又大敗之庚戌竄三覺寺向壽州茶菴石家集而去張落刑復由六安分路竄撲壬子為廬州兵勇及黃元吉一軍並各路團

練擊敗均回六安方略福濟等疏

鄭魁士剿和州援巢縣含山縣志

庚戌粵匪陳時泳竄潛山水吼嶺鄉勇潰潛山縣志 潛山守禦志

苗沛霖破蒙北擒匪數處蒙城縣志擒匪楊瑞英據西陽集渦陽縣志

豫軍疊擊教匪王庭楨甲寅毀賊巢五斬三千餘級殪王庭楨

追奔至阜陽迎仙店謝家園賊竄豫境尋誅李潮仕掘其祖墓

擒斬餘黨教匪平豫軍紀略

庚申都司余際昌等會合太湖團練破賊南陽河胡林翼遺集 官文等疏

太湖縣志 太湖志 系於三月今依胡集

乙丑擒匪劉苟尹韜復竄茨西圍撲太和縣城團練擊退北竄

黑虎廟北鄉練勇追擊三戰至鹿邑張胖店陷伏練總馬瞻魯

于敬先任鳳瑞等戰死太和縣志 豫軍紀略

丁卯粵匪陳玉城由太湖竄英山團練失利尋還太湖英山湖志

北羅田知縣崔蘭馨收復英山胡林翼集 官文等奏疏

李孟羣自六安援固始偕勝保合剿國史李孟羣傳 己巳固始圍解

逆竄六安豫軍紀略 紀略以此股逆首為韋志俊皖南軍務記志俊時在池州

粵逆踞婺源四出焚掠婺源縣志 人物傳

粵逆竄黃池鄧紹良駐軍南陵不及援旋復黃池國史鄧紹良傳

三月丁丑朔副將錫昌參將惠成剿賊和州戊寅副將鮑雲翥

由烏衣鎮率師來會己卯復和州壬午德興阿遣副將余成蛟

會剿烏江賊平其壘乙酉鄭魁士至含山剿南汊平之己丑攻

賊巢縣不下遂回廬州方略福濟 鄭魁士疏

粵匪犯浙江衢州何桂清疏以周天受畱浙督辦軍務

諭福建漳州鎮總兵周天受仍畱皖南軍營幫辦軍務方略三 月甲申 嗣援

浙江在衢州樟樹潭破賊國史周天受傳

諭湖北提督德安前往廬州會同福濟辦理軍務鄭魁士赴江南軍營

協同剿匪方略三 月己丑

豫軍總兵朱連泰等剿捻鹿邑劉苟尹韜奔回亳州朱連泰平

毀張胖賊圩追至亳之雙溝甲午敗賊廟集時捻股往來亳境

徐宿敗捻亦駛入太和分擾元牆李興等集潁州知府才宇和

擊殺甚多豫軍 紀略

庚寅捻匪竄靈璧濠城集葛家店泗州戒嚴壬辰竄宿境時村

丙申入睢境戊戌回竄靈璧京渠團練傷亡甚眾泗州虹鄉志 靈璧縣志

盱眙練總生員傅棠吳玉階禦賊於浮山黃盆窰盱眙縣志

太湖西南宿松東北接壤之好漢坡一帶賊壘經多隆阿軍次

第平毀宿松縣志

六安竄回捻匪張澂任漘李允由蒙懷東竄懷遠團練截擊練
總喬玉峯陣亡癸巳入五河袁宅集甲午至雙河乙未五河縣

陷丙申東灣練總張珮珂戰歿道員黃元吉援剿疊勝辛丑會

同盱眙在籍道員吳棠復五河方略福濟德安疏懷遠縣志五河縣志

勝保遣穆騰阿克蒙額等攻六安壬寅剷平蘇埠等賊圩方略勝保袁甲三疏

粵逆由裕溪西梁山屯姥下河又由南陵蕪湖渡江句結捻匪

道六安舒城繞無為州沿江西犯丁酉襲昭關守將聶桂榮退

至仙蹤副將鮑雲翥力守和州糧絕戊戌和州陷守備張春發

訓導沈廣策陣亡賊冒皖軍旗幟抵全椒癸卯全椒陷甲辰滁

州陷方略德興阿翁同書鞠殿華疏福濟德安疏滁前鳳州志全椒縣志同和州含山縣志作四月誤

臺知縣幫辦全椒縣事孟煊死之咸豐九年給事中方濬順同治七年曾國藩各奏案衛

守備馬步衢死之滁州職官志

四月丙午朔來安陷方略福濟等來安縣志甲寅翁同書督同副都統

富明阿等復來安方略德興阿疏盱眙在籍道員吳棠率練勇來會

克之方略李孟羣疏

婺源踞逆以是月朔掠婺北船槽嶺團練遏之賊退甲道甲道

練丁戰死者百餘人明日賊掠桂巖戴榮鍾等與戰於羊嶺陣

亡百數十人婺源縣志人物

粵匪由鄱陽趨祁門南鄉戊申屯到湖別由開化踰馬金嶺繞

婺源出祁門西鄉庚戌掠高塘均為團練所擊合走建德祁門縣志

粵匪犯崇覺寺守將吳偉奇固保營壘賊大掠而去皖南軍務記

粵逆陳玉城自黃安竄潛山潛山守禦志

粵匪甚望江之合團也癸丑由老鴉灘突入練總劉焱吳斌等死之署知縣王鳳儀營弁宋美富收集團勇自吉水溝進剿賊

沿江遯

望江縣志

癸丑擒匪張滢由五河竄臨淮北岸伏麥田陷我防兵遂踞北岸團練嚴守南岸賊不得逞

鳳陽縣志

甲寅黃元吉敗之走王莊固

鎮

方略福濟疏

六安擒匪掠糧舒城踞桃鎮乙卯都司孟雲霞等夜襲之復桃

鎮

方略福濟等疏

丁亥勝保袁甲三李孟羣克復六安州城協領楚勒剛阿佐領亮志均歿於陣生擒張落刑之叔張玉明龔得之姪龔玉張落刑等由溍河竄至順河馬頭隱賢迎河等集節節受創壬戌撲正陽關又為我軍所敗繞出洙河下竄峽石口趨懷遠懷遠本

無城垣丙寅告陷廩生宋載籍等死之賊蹤至鳳陽縣境

方略勝

保袁甲三疏

李孟羣疏

福濟德安疏

國史袁甲三傳李孟羣傳

六安州志懷遠縣志鳳臺縣志

壬戌總兵滕家勝敗擒匪於靈壁七里溝

靈壁縣志

鄒兆元敗擒匪於蒙城雙澗集

蒙城縣志

粵匪陳玉城自太湖竄英山操家嶺團練失利

英山縣志

遂踞楊柳

灣柳河林李孟羣遣知府袁懷忠禦之辛未竄霍山為知縣王

自箬所敗退丁口石英山練勇宵由百丈河青楓嶺夾攻賊走

太湖

方略李孟羣疏

擒匪劉苟陳萬幅由豫境回竄龍山石弓山入亳境丁壩集焚

近城村莊辛未夜襲朱連泰營力卻之壬申復大至又卻之甲

戌蘇克金督馬步兵勇至亳賊退屯十九里溝旋擊走渦陽汜

口追斬殆盡

豫軍紀略

是月楚軍克江西九江府官文胡林翼籌議東征陸師渡江先

安徽而後江南水師則先安慶而後江甯官文胡林翼等疏

五月丁丑擒匪張落刑等竄長淮衛十里城桃灣黃元吉失利

臨淮被圍戊寅臨淮陷己卯鳳陽府縣兩城並陷賊騎入定遠

縣界甲申勝保派兵進駐壽州下蔡一帶節節移營兜剿方略

保福濟等疏於是鳳陽團練郭法彭等同心禦賊丁亥南鄉團練大

戰湖北陣亡數百人鳳陽縣志勝保遣營總莫爾賡額敗賊秦家集

粵匪由麻城竄六安境丙戌袁懷忠自麻埠分兵禦諸茅坪丁

亥敗諸流波瞳方略李孟羣疏

甲申水師統領提督楊載福再復東流縣城次黃石磯乙酉焚

安慶西門外賊船丁亥攻新河口連破大興橋北及山上賊壘

方略楊載福疏

丁亥擒匪竄虹鄉泗州團練潰辛卯掠屏山采山泗州虹鄉志

壬午楚師游擊余際昌同知丁銳義敗粵逆陳玉城於太湖白

洋關太湖縣志胡林翼遺集己丑賊偪彌陀鎮沿河築壘我軍連

敗之平賊壘三十癸巳追至南陽河賊潰方略官文都興阿胡林翼疏甲午

退竄石牌其英山之賊亦退竄黃粟杪胡林翼遺集

辛卯靈璧團練擊擒匪張逢科於漁溝增生卜維新等四十餘

人均戰死靈璧縣志

勝保剿賊懷遠庚子副將張得勝由新城口進攻營總克蒙額

會同練總知縣苗沛霖攻龍亢擒巢都司金泰攻蒙城張家大

莊癸卯張得勝同都司黃鳴鐸由對岸上洪進攻皆各獲勝方略

粵匪犯涇萬級嶺守將吳正熙迎戰把總杜正南陣亡團練陳伊鼎等分道夾擊賊走青陽皖南軍務記

是月江南官軍復江浦粵逆由江浦竄來安和春遣總兵成明協領博奇等復來安粵匪紀略案此

六月丁未幫辦江南軍務總兵鞠殿華由江浦攻賊全椒不克高唐營守備張東皋陣沒團練助剿多傷亡者全椒縣志

賊踞滁數月盱眙在籍道員吳棠率盱定滁來團練至滁州戰沙河集翼長富明阿敗賊觀風橋西來安縣志

勝保駐軍懷遠縣東懷遠縣志宿南賊踞王家圩袁甲三自正陽移軍宿州檄知府徐曉峯夜襲之殲賊首王紹堂等乘勝復七圩國史袁甲三傳

丁巳

諭福濟來京另候簡用翁同書補授安徽巡撫督辦軍務方略

潛山踞逆竄英山蕭詹陶楊等河丁巳團練擊退英山縣志

先是楊載福復東流以都司宋美富駐守美富兩攻建德賊酋偽招天豫挈黨逃竄及是月丁未偽因天福竄踞建德有被脅商民張泰忠眾四百屯葛源詣美富投誠願為前隊又有紳士

徐德宣合金壇村團勇約泰忠攻賊建德宋美富遂率礮船會剿敗賊堯渡戊辰收復建德縣城水師進攻銅陵縱陽都司李

洪勝外委盛大發汪山友劉升泰陣亡方略楊載福疏案

汪森說偽檢點張泰忠投誠貢生徐德宣等呈請京堂張芾給泰忠守備銜領誠勇五百駐葛源九月泰忠會三鄉團練克復縣城又案方略咸豐九年正月張芾奏稱八月四月張泰忠

往楚軍水師受撫汪森代繳偽印張芾飭令薙髮六月關連破賊卡克復建德縣城並有偽職李濟元張連芳朱第枝率眾飯正等語與楊載福疏大略相同是復建德為六月非九月也
己巳擒匪李廷彥竄毫東金家莊豫軍朱連泰承惠屢擊卻之

豫軍 紀略

是月和春圍攻金陵分兵克土橋賊壘收復繁昌縣城和春傳

七月福濟因病請假

諭李孟羣暫署安徽巡撫仍帶兵駐麻埠國史李孟羣傳巡撫銜浙江布政

使李續賓奉

命征皖國史李續賓傳

己卯勝保自馬頭城馳赴劉府官溝一帶派游擊唐玉輝攻鳳

陽縣城協領薩布參將吳秀剿臨淮三河樞先後獲勝方勝

陽縣志鳳甲申勝保至清流關納李兆受李昭奎朱元興之降

方勝保 疏翁同書疏

懷遠鳳陽捻匪分竄孟家灣盧家大洲圍攻連城民圩乙酉游

擊滕家勝等擊敗之丙戌捻匪陸廷科夏允等襲破陳莊夏圩

年圩副將王鳳祥練總苗沛霖會剿王豹文年玉田等分攻陳

韓年夏等圩皆克之王鳳祥旋赴濉溪口協同伊興額防剿尋

復濉溪方略袁甲三疏

乙酉豫軍朱連泰承惠敗捻匪於五馬溝追擒擒首宋成及匪

黨吳迎宋秉豫軍紀略

鳳陽臨淮諸生夏璜江炳文率團練戰賊板橋均死之鳳陽縣志

丁亥捻匪撲五河之姚官集武生朱錦標戰死五河縣志

楚軍總兵趙克彰何紹彩至英山連營安里大畝河英山縣志

福濟既去廬州李孟羣署巡撫副都統麟瑞等守城德安亦以

養病回廬三河逆匪李侍賢陳玉城突竄桃鎮窺廬州戊子新

任巡撫翁同書甫至定遠廬州府城陷總兵蕭開甲知府伍成

功陣亡方畧翁同書疏勝保疏總兵余應彪合肥知縣王映奎均死之合肥

縣志 聶桂榮率含山團練來援途遇鮑雲翥會軍戰賊梁帝廟不

利退仙蹤含山縣志李孟羣退六安店埠梁園相繼告陷翁同書於

梁園突圍而出退保定遠勝保遣副都統穆騰阿率騎兵至定

遠堵剿方略翁同書疏李孟羣尋進紮廬州西官亭長城一帶史李國

傳孟羣

勝保移駐鳳南殷家澗暫令徐廣縉同總兵龍澤厚攻賊懷遠

勝保方略勝保疏

滁州踞賊屢撲烏衣水口廬州踞賊與全椒賊句通由和州烏

江竄浦口六合欲通江路援應江甯方略德興阿疏

滁賊突竄三界鎮道員吳棠迎戰不利斂兵退守方略翁同書疏

時粵匪捻匪互相句結淮南北蹂躪殆徧國史翁同書傳丙申

命鑲黃旗蒙古都統勝保為欽差大臣督辦安徽軍務安徽巡撫翁同

書幫辦軍務太僕寺卿袁甲三代勝保督辦三省剿匪事宜方

略國史袁甲三傳

己亥豫軍朱連泰蘇克金敗捻匪於丁垵集豫軍紀略

徽防官軍禦粵逆於清華鎮戍戍挫於高砂婺源縣志忠節辛丑賊由

德興東犯婺源黃瓜尖嶺兵團失利援兵擊走浮梁旋有賊眾

由德興續至遂入婺源總兵李定泰派兵來援而祁門西南各

鄉亦有賊蹤張芾請調周天受回徽與江長貴分投截剿方略張

芾疏

是月苗沛霖在懷北疊破劉家岡曹家河捻圩方略袁甲三疏旋至

蒙城執練總文生陳子言殺武生陳嵐光遂據北關逐訓導典

史守備蒙城縣志

青陽池州匪黨先後竄集蕪湖眾號數萬灣沚黃池皆震和春

飭總兵鄭魁士帶兵由江甯赴灣沚督辦皖防仍令米興朝駐

防南陵方略和春疏

八月德興竄賊踞婺源縣城監生胡顏春等團練從官軍攻城

陣亡鄉團久戰於黃家尖嶺新嶺江家橋龍山互有殺傷婺源縣志

方略九年二月張芾疏稱婺源自上年八月失守即此

辛亥建德敗賊竄祁門南鄉團練擊卻之繞掠西鄉十三村江

長貴軍於上溪口祁門團練請官軍至歷口會剿賊始遯時黟

縣羊棧嶺石砦築竣團練助防祁門祁門縣志黟縣志

池州匪眾以上月丁酉撲東流水師朱美富擊退是月辛亥賊

復來撲楊載福分兵馳擊賊始遯去方略楊載福疏

乙卯池州踞逆分擾石埭青陽練總鮑瑚戰死三溪口遂合踞

陵陽鎮逼崇覺寺犯黃土嶺江長貴由徽州來援賊敗去皖南軍務

記

涇縣團練攻粵匪於太平縣之卓村多所斬獲涇縣志三賊竄

樵山嶺團練擊退涇縣志南鄉團練記

擒匪程保民據阜陽畱陵口副將黃開榜禦之阜陽縣志

都興阿李續賓攻太湖粵匪浚濠增壘拒守霍山潛山桐城望

江懷遠舒城援賊廬至自七月辛丑多隆阿攻八百阿趙克彰

攻東岸賊壘李續賓分五路攻城李續燾毀賊卡皆獲勝至是

月癸卯朔參將石清吉擊敗援賊追至河上壬子進毀各壘丁

巳都興阿李續賓督同多隆阿李續燾鮑超周寬世石清吉分

段環攻克復太湖縣城庚申進克黃泥港癸亥夜克復潛山縣

城丁卯鮑超破賊雷公埠克下石牌多隆阿克上石牌於是都

興阿一軍聯絡水師攻安慶李續賓一軍進擣桐城方略官文都興阿

李續賓疏國史李續賓傳國史多隆阿傳系於九月以奏到之日言也是役吉林馬甲德貴披甲德貴游擊周祥杰都司胡鎮南守備唐克舉蕭新勝張朝武李發益黃星輝李得勝雷紅貴千總吳延春曹光泰吳正明周海清周廣林把總聶秀峯梅泗海唐嗣忠易計扶江上雲李洪勝馮元祥鄒本發余萬友龐安仁陳復勝許東亮外委陳國洪向述謀何秀黃蕭盛材江登漢王中海蔣得順陳春元蕭文光熊得勝黃占春謝維翰曾和貴皆太湖陣亡把總熊士正外委周興文等潛山陣亡並見方略官文都

辛酉含山署巡檢徐模把總宇安邦齊團殺賊於仙蹤追至清

水塘昭關方略翁同書疏

是月也廬州賊匪屢由梁園店埠撲定遠之界牌藕塘繞犯大柳驛池河鎮為勝保穆騰阿克蒙額等先後擊敗乃由清流關竄擾江浦道經滁州逆首陳玉城偪令滁擒攻來安丙寅來安陷粵逆關入天長丁卯天長陷旋破盱眙明光集方略勝保同書疏來安吁臨天長志

己巳張落刑由懷遠城出撲渦河軍營總兵龍澤厚退至馬頭城後路之黃盆窰洛河街庚午撲劉府集游擊唐玉輝擊退方略勝保翁同書疏

九月癸酉朔逆匪撲汭澗集營總莫爾根阿等擊退方略翁同書疏

定遠團練敗擒匪於白鷺橋丙子穆騰阿唐玉輝先後截擊賊

敗竄懷遠方略勝保翁同書疏

戊寅桐城縣志李續賓督同趙克彰何紹彩李續燾朱希廣周寬世

等連破賊壘克復桐城把總賀宏勝外委彭福清夏鵬程陣亡

方略官文舒興阿李續賓疏

豫軍蘇克金承惠敗擒匪於十九里溝豫軍紀略戊寅日

都興阿督同多隆阿鮑超戰賊安慶己卯破大橋頭賊壘克集

賢關庚辰福建提督楊載福礮船入湖三面轟擊辛巳多隆阿

鮑超分攻安慶毀北門及東西三灣九壘殲賊五千餘生擒五百有二遂圍偏城垣方略官文都興阿楊載福李續賓疏國史多隆阿傳楊載福遣副將陳金鼇王明山萬化林李朝斌劉德亮等攻破縱陽賊壘方

略都興阿楊載福疏庚辰泗州團練文生張惠春等敗擒匪於吳家道練總文生吳得一武生張金鑣監生吳振來陣亡賊竄宿遷歸仁集泗州虹鄉志

甲申天長踞逆竄撲盱眙之三河集道員赫特赫訥遏諸河上游擊德元營總莫爾根額副都統麟瑞先後援剿勝保宵軍三

河集方略勝保疏副將蔡天祿都司德興擊賊盱眙縣志賊潰追至馬壩副將張得勝射殺其渠賊驚逃勝保回軍盱眙飭江蘇道員吳

棠督團會合官軍扼守方略勝保疏盱眙縣志擒匪任漑魏藍李允以甲申撲靈璧縣城團練擊卻之靈璧縣志

戊子李續賓進軍舒城庚寅克之賊走三河三河距縣治五十里有偽城九壘逆眾累年踞守以捍蔽廬州者也續賓既克舒城畱兵守之又畱趙克彰軍守桐城自率五千人以庚子日進抵三河方略官文都興阿李續賓疏國史李續賓傳

庚寅懷遠賊匪攻撲馬頭城徐廣縉龍澤厚挫退賊遂踞上下洪竄下蔡繞掠鑪橋方略勝保翁同書疏翁同書督兵分路擊敗之國史翁同書傳

天長踞匪復犯三河集翁同書派兵迎剿破之國史翁同書傳丙申勝保督軍攻天長李兆受輸誠內應遂克天長兆受獻滁州來

安襲全椒薙髮率眾歸誠奉

諭更名李世忠以參將候補嗣後陷賊歸正者能立功自贖克復城池

一體施恩方略勝保翁同書疏滁州志

癸巳豫軍朱連泰蘇克金敗擒匪於寺兒集擒李萬倉陳錢乙

未又敗諸釣魚臺及五馬溝泥臺店丁壩集豫軍紀略

擒匪張落刑由鳳陽臨淮水陸並下庚子章甲三疏作二十七

擊滕家勝馳援壬寅戰勝賊渡河入泗州知州李承穎禦之回

竄五河方略分屯南岸小溪浮山勝保檄防守明光之副

將承惠移軍堵截方略

是月戊寅粵匪由陵陽鎮回竄崇覺寺江長貴擊退庚寅青陽

踞匪來撲江長貴分路剿擊之南陵繁昌敗匪旋聚青陽壬辰

犯太平縣之斜山嶺涇縣防軍會民團敗之乙未賊出泥田東

冲兩鎮團紳杜煒等戰死賊踞卓村參將石玉龍敗諸平阮嶺

丙申江長貴敗諸九鳳嶺都司陳大富敗諸苦竹橋庚子參將

吳正熙都司劉仁傑等敗諸卓村壬寅江長貴又敗諸夏村賊

竄陵陽鎮方略胡興仁疏太

十月甲辰徽軍程紹鸞擊退夏村餘匪皖南軍務記乙巳江長貴率

馬光宗黃朝陞陳大富袁國祥平毀陵陽鎮賊壘方略胡

懷遠鳳陽擒匪竄擾定遠翁同書督軍迎剿累戰皆捷粵逆為

之援又分路擊卻之國史翁同書傳

甲辰李續賓分兵三路攻三河賊壘殲悍賊千數百奪柵而入

九壘俱下又擊退偽城及白石山援賊斃七千餘方略官文

江來援粵逆李侍賢擒匪張落刑自廬州來援號稱十萬宵至

金牛鎮白石山連營數十里包抄我軍後路續賓飛檄各路援

師未集而賊鋒已逼續賓宵剿金牛鎮晨戰樊家渡擒斬約踰

二千賊乘大霧回撲參將彭友勝游擊鄒玉堂等先後力戰死
營壘多陷僅餘四五營堅守會賊掘河隄斷我軍去路壬子夜
續賓怒馬當先往來奮擊斃賊數百夜半身面俱傷力竭死之
諸將尚苦守營壘又三日乙卯始俱覆又六日辛酉桐城守兵
亦敗前後死者近六千人
阿國史李續賓傳方略官文都興
文鈔案三河死事最著者副將劉神山參將彭友勝蕭意文
彭志德游擊朱恢三鄒玉堂胡廷槐杜延光王槐興劉聚勝劉
忠駿同知會國華何裕董容方前署道同州知州王揆一知縣楊
德源府經歷趙煥剛從九品李續藝訓導萬斛源吳立蓉主簿李
鏡源縣丞街趙煥剛從九品李續藝訓導萬斛源吳立蓉主簿李
克修都司胡在位王繼龍會謝霖彭洪勝夏全勝葉九疇龍應
自謝光秀李昇三馬超文黃朝賢劉泗清顧必成楊顯貴朱神
彩姚祖益王俊秀守備趙國幹趙國棟王啟興羅澤鏡蕭廷玉
李前規左國光彭廷簡胡學端黃順發劉坎二朱雲貴劉仁光
彭祥勝彭祥泗彭椿謝榮堂顏得祿朱樂美龍應松雷德教
凌步雲陳得全袁清華歐寶堂周光曙李長升李崑崙雷德教
楊得元鄧震南胡孚祿劉光日賀見昇李光德吳星蔭蔭蔭蔭
蘇友文鍾良先劉倫同王文才彭松林趙崇義千總蕭長青彭

輔魁覃楚柏周吉成王俊珊任有聲劉光輝何佐國楊桂芳彭
崑彪任中和邱龍光張先慎李登貴賀輝堂把總王瑞堂張得
盛易貴宏袁東初外委王甫臣文生雷初申何向瀛監生何保
三張溥萬文童鍾國彥周文宣章兆鵝許源張庚張家元陳
良臣桂邦熾鄭德匯郭代佐張謙又有千總周有堂等三十四
人蕭榮和等九人把總李升發等四十八人羅大斌等三十二
二人沈先貴等二十二外委左茂賓等六十八人楊正茂等五十
見胡林翼遺集官文等奏疏又案桐城死事者十三人以上並
雷風雲李集賢參將趙友材游擊賴由海蕭倬雲彭協和周魁
亮都司婁國見楊正春賓世興守備沈榮發李為勝彭稱陶董
怡習蕭復勝會正魁何華益胡來孚劉區山邱光明千總孔江
海陽世維知縣謝嗣湘府經歷李錦均縣丞毛濟美訓導許恆
朱瞻雲五品銜沈東曉又有千總王清和等十五人把總毛慶
元等十八人城外委余龍等二十二王清和等十五人把總毛慶
人并戰死見桐城之陷也練總葉瑞庭陣亡練勇戴根貴等三十
桐城縣志 湖南湖北江西安徽士民聞續賓死巷哭如失所
依

文宗顯皇帝覽奏不覺隕涕
國史李胡林翼以母喪歸聞信即遵
旨赴鄂進駐黃州
國史胡林翼傳十一月
武備志 兵事

當是時舒城於乙卯陷桐城於辛酉陷潛山於壬戌陷安慶圍師由石牌撤退多隆阿敗賊於黃泥港休兵太湖城北丁卯至宿松會合鮑超敗賊二郎河戊辰敗賊於長嶺於荆橋賊竄太湖太湖復陷官軍隄守宿松堵潛山之閒於是都興阿請

飭胡林翼駐黃梅居中調度官文請

飭曾國藩赴鄂以遏皖氛駱秉章請

飭曾國藩赴皖收召李續賓所部各軍察看緩急妥為籌辦方略官文都興阿

駱秉章各疏 懷甯桐城舒城潛山太湖宿松等縣志

定遠北路官軍駐營大廟丙午擒匪來攻參將賽沙布都司金

泰同等戰死營遂陷賊由大廟竄鳳陽定遠界之卸甲店趨入

南山套窺殷家澗戊申勝保督同總兵張得勝等敗賊於殷家

澗方略勝保疏

戊申滕家勝復五河縣賊走懷遠方略

擒匪屯踞毫境壬子豫軍道員趙書升自鹿邑援亳州豫軍紀略

戊午袁甲三遣知府張學醇等攻破滄北牛家集擒巢殪擒首

趙學泗方略袁甲三疏

辛酉張落刑由懷遠撲劉府勝保被圍退軍殷家澗癸亥進兵

奪回劉府賊回懷遠分竄北鑪橋趨廬州方略勝保疏

張泰忠李濟元徐德宣攻東流張溪鎮粵匪薄諸前河德宣勇

潰死者千餘人泰忠退保後河濟元退守赤頭關庚午粵匪由

張溪撲赤頭關建德縣志泰忠會濟元等奮擊敗諸赤頭關又敗諸

洋湖陂方略張芾疏

巡撫翁同書請禁徽甯等府花會國史翁同書傳疏略日徽州風俗樸茂儉勤道光二十

八九年閒閩省傳來花會用射覆以避聚賭之名愚民墮其術中敗產傾家因釀巨案乃地方官反用其人以禦賊地方遂愈

不靖已飭嚴拏懲辦並請令張芾胡興仁一體嚴禁以絕亂萌

貴池敗賊從高村橋小菴山五里亭三路來犯甯國防軍

史鄧國

紹良傳 粵匪紀略 作鷹村橋小菴山 癸亥撲長山營參將吳再升擊敗之郭定

猷禦賊五里亭賊分徧鴉山甲子鴉山營陷游擊曹興隆鄭士

騶軍功田有藩均戰死

興仁疏 方略胡

水師總兵吳全美遣隊來援

賊散處湖坪山頂乙丑孤山壩營陷

方略鄧紹良疏

庚午蕪湖踞逆

糾合江北賊匪分竄灣汊及對岸盤龍甸鄧紹良告急於浙撫

請濟師胡興仁檄游擊馮日坤率師由泗安赴甯國

方略胡興仁疏

十一月粵逆犯灣汊己卯由南岸衝突新營直隸通永總兵戴

文英擊回黃池幸已由北岸渡河合圍灣汊戴文英殺賊無算

力竭歿於陣壬午夜浙江提督鄧紹良舉火自燔其營率親兵

血戰死之

國史鄧紹良傳案己卯據粵匪紀略辛巳壬午據方略和春疏

潰勇退至甯國府

城和春飭總兵鄭魁士接辦甯防

和春疏

粵逆竄天堂潛山團練禦之陣亡三百餘人賊毀潛山縣西南

城縮小之

潛山縣志

楚軍余際昌駐軍英山防潛太

英山縣志

毫捻自河南敗回太和袁甲三檄傅振邦袁保恆馳援及賊於

李興集於是游擊巴揚阿羅仲保與蘇克金承惠會師甲戌傅

振邦袁保恆會合諸軍敗賊於李興集東南之輒橋口趙書升

馬隊適至掩殺四十餘里自茨河至淝河賊尸橫於道邱聯恩

亦是日由槐店追賊高王廟要擊獲勝

國史袁甲三豫軍紀略

太和團

寨日夜攻擊殺賊甚多

太和縣志

粵匪韋幗淙復撲赤頭關李濟元等敗之奔張溪鎮

建德縣志

都興阿鮑超軍二郎河多隆阿等軍宿松丁丑粵逆陳玉城竄

花涼亭及二十里墩荆橋一帶眾號十萬戊寅都興阿多隆阿

鮑超會剿大破之殺賊七八千逃散脅從亦數千生擒五百有

奇協領穆精阿委防禦恩科巴雅爾披甲凌春陣亡副將石清

吉會同宿松團紳羅忠懷等追至鄧家店斬馘甚眾國史多隆阿傳

方略都興阿疏 戊子道員蔣凝學守宿松駐軍東門外宿松縣志

十二月壬寅朔廬州踞賊遣黨擾含山癸卯由尉子橋梁帝廟

撲仙蹤守將聶桂榮軍覆含山團紳嚴春甲死焉含山縣志

丙午豫軍朱連泰會亳州練勇敢擒匪於十九里溝豫軍紀略

南陵清弋江逆匪竄涇丙午團練戰北城外失利涇縣陷縣丞

吳斨死之周天受自甯國府馳援丁未會知縣靳芝亭甯陳副

將于紹昌復涇縣方略和春疏 涇縣志 國史周天受傳

和春疏於正月 初七日奏到耳

丁未多隆阿率雷正綰等移營二十里墩進規太湖鮑超由二

郎河攻太湖方略都興阿等 潛山守禦志

丙午傅振邦敗擒匪於陳家老巢丁未會合練總知州苗沛霖

敗擒匪於澮北方略袁 甲三疏

丙辰

命鄭魁士補授浙江提督督辦甯國軍務方

建德團練李濟元敗賊張溪鎮建德縣志

南陵被圍日久東西北三面皆賊壘參將吳再升攻賊東路屢

戰皆勝周天受駐軍雙院戊午從寒亭團山擊賊之背己未賊

遜往西北南陵東面城圍遂解方略和春疏 國史九年正

和春疏於正月 初七日奏到耳

--	--	--	--	--	--	--

丙子於時張銀針羽公則宗字巢丁未會合縣縣賦賦苗苗



